



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 16 FULAN JANEIRU TINAN 2013

KOMUNIKADU IMPRENSA

Sorumutu Konsellu Ministru loron 16 fulan Janeiru tinan 2013

Governu Konstitusionál V hala'o sorumutu iha kuarta-feira loron 16 fulan Janeiru tinan 2013, iha sala sorumutu Konsellu Ministru nian, iha Palásiu Governu, iha Dili no aprova ona:

1. Dekretu-Lei ne'ebé mak aprova Orgánika Ministériu Saúde nian

Diploma ida ne'e estabeselese Orgánika Ministériu Saúde nian, hodi kumpre Dekretu-Lei n° 41/2012, loron 7 fulan Setembru, ne'ebé mak aprova Orgánika Governu Konstitusionál V no Programa Governu Konstitusionál V Repúblika Demokrátika Timor-Leste nian.

Orgánika Ministériu Saúde nian adapta tuir realidade foun Ministériu nian atubele hasa'e nível prestasaun kuidadu saúde nian sira no atu responde di'ak liután ba ejjénsia sira setór ne'e nian.

2. Dekretu-Lei ne'ebé mak aprova Lei-Orgánika Ministériu Justisa nian

Tuir Lei Orgánika Governu Konstitusionál V (Dekretu-Lei n° 41/2012, loron 7 fulan Setembru) Ministériu Justisa apresenta ona ba Konsellu Ministru estrutura servisu no organizmu foun Ministériu nian, atu garante kumprimentu programa Governu nian ba área Direitu no Justisa.

Nune'e, Lei Orgánika hosi Ministériu Justisa refleto duni aposta estruturante Governu Konstitusionál V nian iha melloria qualidade, iha funsionamentu di'ak no iha efisiénsia servisu no estrutura Administrasaun Públika nian, hahú ba aperfeisoamentu no reorganizasaun ninia servisu no organizmu sira, ho intensaun atu bele halo sira sai eficiente no rasonál liután iha utilizasaun rekursu sira no atu optimiza ninia funsionamentu hodi hala'o atribuisaun importante sira ne'ebé mak nia tenke asegura.

Konsellu Ministru analiza mós:



Palácio do Governo,
Avenida Presidente Nicolau Lobato,
Dili, Timor-Leste

dddigovtl.09@gmail.com
(+670) 33 310 608

1. Apresentasaun kona-ba Kriasaun Ajénsia Kooperasaun Timor-Leste, AKT-L

Kriasaun Ajénsia Kooperasaun Timor-Leste, AKT-L ninia objetivu mak atu dezenvolve ajuda esterna ne'ebé fó ba nasaun sira iha faze dezenvolvimentu nian liuhusi asaun hirak ne'ebé dirije especialmente ba área kooperasaun téknika nian.

2. Apresentasaun Programa kona-ba “Zona Espesiál Ekonomia Sosiál Merkadu” iha Oe-Cusse Ambeno

Konsellu Ministru analiza ona proposta kona-ba kriasaun “Zona Espesiál Ekonomia Sosiál Merkadu”. Ne'e mak projetu-pilotu ida ne'ebé sei implementa iha Oe-cusse Ambeno, ho objetivu atu proporsiona ba distritu ida ne'e perspectiva foun ida kona-ba futuro, liu-liu kona-ba dezenvolvimentu ekonómiku, pás no estabilidade nian.

Atu fó hanoin katak n.^o 3 husi art. 5^o Konstituisaun Repúblika Demokrátika Timor-Leste nian prevee katak Oe-cusse Ambeno hetan tratamentu administrativu no ekonómiku espesiál.

